

فہرست کتب

— (۱) ہر شہر عربی ابتدا سیلہ اون بشتہ نشر اول نور (۱۰۰۰)

جلد ۵ - جزو ۴۹ [فی قرۃ ذی الحجہ سنہ ۱۳۰۳] نسخہ سی ۳ غروش

اسمخوده ایسه تاریخلرمزك معلومات جغرافیه لرینه مراجعتدن بشقه چاره من
 قالمیور . کاتب چلینگک لاتینجه دن ترجمه ایلدیگی اوروبا تاریخنده (ازمیر)
 لفظنه دائر هیچ بر ایضاحه تصادف ایده مدم . یالکڑ ازمیری فقط (اسمیرنا)
 دیه یازوب کچیو یرمش . حال بوکه مدقق مشار الیه سائر يك چوق اسمی
 بلدانده صورت تحریفاتی ارئه ایله تصحیحاته بولغشدر . طوسقالقده کی برات
 شجاعنك (بلغراد) دن محرف اولدیغنی بیان اتمسی گبی . که بوگا آرناوود
 بلغرادی اطلاق اتمکده یز . ظن اتمم که جهاتماسنده ده (گاوور ازمیری) دیه
 ر قید بولنسون .

فقط شیخینک جهانماسنه صورت مخصوصه ده مراجعت ایلدم .
 آنده ایسه یالکڑ (ازمیر) لفظانی مقید بولدم . شیخی کچن عصرک اجله
 علماسندن ایدی . یعنی یوز یوز آلتش سنه لک بر آدمدر . اگر بوتعبیر
 عثمانیسارک مبادی ظهورندن بری زبازرد اولق لازم کلسه ایدی هیچ
 اومانسه لسان عوامده (گاوور ازمیری) دیه معروفدر دیه بیلیردی .

بنده کړک تحقیقمه نظراً بولفظ مشهور صاری زیبک بر قوشته سنده کی
 « گاوور ازمیریاندم سنک المکدن » نقراتسندن آزموه در . احتمال که بنده کړ
 خطا ایدیورم . فقط مقدما دخی سویلدیگم وجهله مفصل عثمانیلر ایچون
 بر تاریخ جامع ومکمل اولق اوزره تالیف اولندیغی حینیتله امکان مساعد
 اولدیغی قدر وقایع وتحقیقاتسده صوابه مقارن اولقلغنه چاشمق همیز ایچون
 وظائف حیتدندر عزیزم .

اوروپا شرقی بیلز

کمال بک بر مقاله مهمه سنده « اوروپاده علمایه تصادف اولنور که قرده
 اولان انهارک عمققی تعین ایدرلر و ادعالری فئا اثباته مقتدر اولورلر . فقط
 یسه اوروپا ایچنده بولسان [مریچ] نهرینک حالنی قامیله تیلیه جک قدر

غفلتیده بولنورلر « قولیلر اورویا لیلرک اکثر خصوصیاتده افراط و تفریط
عقبه لریدن قورتلرله مدقلرینی ایضاح ایتشیدی .
فی الحقیقه تحریری حقیقت آرزوسیلر بیک درلو مهالکی اختیار ایدن
اورویا علماسنک شرقه دائر اولان اکثر معلومات و تحقیقاتی ضعف و مبالغه دن
خالی دکلدر .

بودعوامزک الیکلی بر برهانی اولق اوزره بوکره آلدیلر ۲۱ آغستوس
تاریخی بارسک طباعت غزته سنده مندرج بر فقره نی اراز ایدرز :

صورت فقره

« [موسیوازنه ست - مایه ر] وسائط نشریه دین اسلامی تعداد
ایلدیگی صروده دیغش که : « استانبولده بر مطبعه وارد که گوچک بر غزته
نشر ایدر . بو غزته نك تمثیلات یومیه سی یوز بیگی متجاوز و نفوذی
فوق العاده در .

« مذکور غزته بر سوریه لی طرفدن اداره اولنور و غزته لری
« محتوی اولان پاکتر ممالک اسلامییه نك هر جهت ارسال ایدیلمر .
« بو غزته لرده سمرقنددن موغادوره [۱] قدر تصادق اولنور . هر طرفده مخبر لری
« وارد ، ایرانه ، هندده ، فاسده و خطه عربیه نك هر جهتده حتی
« طومبوقوده دخی (شیخ البهام) استنده بر مخبری موجوددر . « اشی
استانبولده بویه بر غزته موجود اولوب اولمدینی بزجه بخته بیلر دکر .
فقط شو مقاله نی اوقویان هر اورویالی بوگا اعتماد ایتکده معذوردر . چونکه
ارنست مایه ر اورویاچه اقوالنه اعتماد اولنان علمان معدوددر . حال بویه
ایکن هیچ وجودی اولمیان برشی اوزرینه بسط مقال ایتک بر فاضله گوره
معاییدن معدود دکلیدر ؟

ایشته اصل شایان بحث و مناظره جهتی بوراسیدر . معلومدر که برشی
اوزرینه اداره اولنان افکار یار فکر خلاصته و یا خود بریت غرضکارانه یه
[۱] موغادور فاسک ساحلده بر شهری ولیجانی در .

مستند اولور . فکر خالصله ایراد اولنان اقوال ضعف و یا مبالغه بی حاوی اولسه بیله مادامکه نیت فاسد دگلدیر ؛ وقوعه کلان نقصان و زیاده دخی معفو طو تلق یعنی حسن نیت باغشلا تعلق لازم گلیر .

شمدی بو بحثده آرانیه حق جهت موسیو ارنستک بومقاله بی نه نیتله ایراد ایتمش اولسنی تدقیقدر . یوقاریکی فقره نك صورت افاده سنده اولیه بر فکر فاسد حس اولغدیغی کی فاضل مشار الیه دخی هیچ بر ملتک اغراضنه تابع اولیان خادم انسانیت طاقتدندر . بوحالده مشار الیهك اغفال اولغش اولسنه حکم ایتمک لازم گلیر که بوده اخلاق فاضله اربابنك عموماً مبتلا اوله گلایگی آفاندندر .

باخصوص شرقه سیاحت ایدن اکثر اوروپا علمای السینة شرقیه واقف اولدق لرندن بزه دائر هر نه تحقیق ایدر لر سه (سیسه رون) نامی ویردکاری قلاغوزلردن ایدر لر . میعشتی شوگا بوگا رهبر لکده آریان طاقک گرك علماً و گرك اخلاقاً نه مزیتلری متصور در که ویردکاری معلومات طوغری اوله بیلسین . بوباده کی نقصان همت ینه بزره عائددر . چونکه شکتک نك تدقیق احوالی مراق ایدینان اوروپا فضلاسینه مدار مراجعت اوله حق هیچ بر اثر میدانه قومدق . اورویالیر بزه دائر نه اوگره نیورلر سه مأخذلری یا دشمنلر مژک نشریات اغفالکارانه لری و یا خود اوکلرینه دوشن قلاغوزلرک اختراعاتیدر .

ابوالضیا

ژان ژاق روسونک نوبل الویژندن

اون اوچنجی مکتوب

(زولیدن - سن پروید)

سعادت و بختیاری ایچینده بولندغیزی تمهید ایدیشده یک حقی ایتم، بونی بکا ال جزئی بر تغیر احوال مزدن بشقه هیچ برشی ده ائی تفهیم